

# Arnat piusugittartut



*HAL:* Kalaallit arnartaasa atisaliaat nunap inuuffigisap silaanut naleqqusagaapput issimut akiuulluarsinnaalutik. Angutit arnallu atisaat ilutsimikkut assigiinngikkaluarlutik taamaattoq sannamikkut ataasiussuteqarput, tassa sianigineqartussaammat atisat oqoraluarlutik kiagulernermi aalamik timimi uninngaannartitsissann-ginnamik, taamaappammi inuk atसानिक taakkuninnga atortoq qiusinnaammat.

Qangaanit arnat atisaasa iluseq ataaseq assigiisooq nassaarisimavaat. Meeraaraq atisartaaqqaarpat atisartavisa ilisserutaat inuunerata sinnera-

nut atussaaq, taamaallaalli alliaartornera ilutigalugu angissusia nikikkiartortitaalluni. Taamaammat arnarpasuit ilisserut taanna ilikkartarpaat kukkujajunnaarlugu.

Ukiuni kingullerni pissutsit allangormata arnat amernik mersortartut ikiliartorlutillu kilorluleriartorput. Kalaallisuuliortartut ikilipput, naak tamanna anguniagaanngitsoq. Kiisalu manna tikillugu suli saqqumnersoqanngilaq atuakkamik kalaallisuuli- ornermik ilinniummik aallaqqaaterpi- aanit naggataanut ilitersuutitalim- mik. Suliassaq tulliuuttoq arnanut piumassusilinnut!

2005-imi kalaallit kulturikkut suli- niuteqartunut nersornaasiuttagaat tunniunneqarpoq marhulissanut Be- nedikte aamma Regine Brandtikkun- nut. Taakkua pillugit atuagannguaq saqqummersitaavoq, Sofie Bengts- sonip Ane Sofie Grodemillu suliaat. Atuagaq arnanut taakkununnga piu- sugittartunut, atorluaasunut, nerso- rinnissutaavoq inissaminiittoq.

Nersorniarneqartut namminneq oqaluttuarnerat malillugu meeraallu- tilli amernik mersortut akornanniit- tarlutik soqutiginnilersimapput, naal- lu ataartik piniartuunani niuertor- usiugaluartoq ammerineq ilikkariart-

uaarsimallugu. Kalaallini eqqume-  
 equt tassani aamma erserpoq, tassa  
 niarsiaraqat anaanaminnit mersor-  
 nermik ilinniartitaanatik uinikkaan-  
 gamik sakitaaminnit annerusumik  
 ilinniartitaasarput. Marlulissallu ana-  
 anartik ilinniartitsisimittut taanngila-  
 at. Taamaattorli mersornermut ilik-  
 karsimassusii sungiussisimassusiilu  
 atuakkami erserpoq, assiliartammi isi-  
 ginnaarlugit tupinnaannarpoq kilu-  
 gissusii avittallaqqissusiilu. Marlulis-  
 sat ammerinermik pingaartitsilluin-  
 narnerat aammattaq assitigut ersip-  
 poq; unniliaammi ataasinnguamillu-  
 unniit kajorneqanngillat ammit orsui-  
 arnissaat ilikkarluarsimagamikku.

Atuakkami ilanngunneqarput mar-  
 lulissat inuunerminni naapitamik ila-  
 annik oqaluttuaat. Inunngorfigaat  
 Iginniarfik ataataamik niuertorusiuffia.  
 Qatanngutigippaaluusimapput, taak-  
 kunanngalu kingorna ilisimaneqar-  
 lualerpoq Ole Brandti, ilinniartitsisoq  
 atuakkiortorlu. Atuagaq mersorner-  
 mik ilinniutivittut taasassaangilaq,  
 kisiannili ammit assigiinngitsut sulia-  
 rineqaasiinik imaqarluni, aammalu  
 qatanngutigiiit avittarnerminni najoq-  
 qutassatut titartagaannik takutitsillu-  
 ni.

Atuagannguaq qujanavippoq, taku-  
 titsivoq arnat ilitsoqqussaminnik  
 ilungersuussisut qanoq angusaqarlu-  
 arsinnaatiginerannik, naak ineriartor-  
 nerminni annerusumik imminnut  
 ilinniartikkaluarlutik.

Sofie Bengtsson & Ane Sofie Grødem:  
 Benedikte & Regine Brandt – amernik eq-

qumiitsuliortut. Assiliisoq Anda Hansen.  
 Qupp. 69, akia 149 kr. Atuakkiorkfik



EVA MØLLER THOMASSEN

